

## PWYLLGOR YR AMGYLCHEDD, CYNLLUNIO A THRAFNIDIAETH

**Dyddiad:** Dydd Mercher 31 Ionawr 2001  
**Amser:** 2.00 hyd 5.30 pm  
**Lleoliad:** Ystafell Bwyllgora 2, Adeilad y Cynulliad Cenedlaethol

### BLAENRAGLEN WAITH STRATEGOL 2001-02

#### Testun

1. Ceisio barn y pwyllgor ar flaenraglen waith strategol ar gyfer Mai 2001 hyd Rhagfyr 2002.

#### Cefndir

2. Rhaid i bob Pwyllgor Pwnc gynnal rhaglenni gwaith treigl a fydd yn cynnwys cyfnodau o 12 mis o leiaf (RhS 9.9).
3. Bydd angen i'r pwyllgor gytuno ar flaenraglen waith strategol 2001-02 ym mis Ionawr, er mwyn rhoi amser i gymryd i ystyriaeth sylwadau'r Pwyllgorau Pwnc eraill a'r Cabinet, cyn rhoi gwybod am y flaenraglen yn y cyfarfod llawn ym mis Mai.

#### Casgliad

4. Gwahoddir yr aelodau i gytuno ar y flaenraglen waith strategol ar gyfer Mai 2001 hyd Rhagfyr 2002, sy'n cynnwys blaenraglen waith fanwl ar gyfer tymor yr haf, yn Atodiad A.

#### Ysgrifenyddiaeth y Pwyllgorau

Ionawr 2001

**ATODIAD A**

## PWYLLGOR YR AMGYLCHEDD, CYNLLUNIO A THRAFNIDIAETH

### BLAENRAGLEN WAITH STRATEGOL MAI 2001-RHAGFYR 2002

#### Rhagarweiniad

1. Mae Pwyllgor yr Amgylchedd, Cynllunio a Thrafnidiaeth yn un o saith o bwyllgorau pwnc y Cynulliad Cenedlaethol. Mae cylch gwaith y pwyllgor wedi'i seilio ar bortffolio'r Gweinidog dros yr Amgylchedd, Sue Essex, sy'n cynnwys: datblygu cynaliadwy; trafndiaeth a phriffyrdd; cynllunio; polisi ar yr amgylchedd, yn cynnwys materion cefn gwlad; Awdurdodau'r Parciau Cenedlaethol; a Cadw (henebion ac adeiladau hanesyddol a rhestredig).

### **Dyletswyddau'r Pwyllgor**

2. Mae cyfrifoldebau'r pwyllgorau pwnc wedi'u gosod allan yn y Rheolau Sefydlog, a atgynhychir yn **Atodiad 1**.

3. Mae rheol sefydlog 9.9 yn ei gwneud yn ofynnol i bwyllgorau pwnc gynnal rhaglen dreigl o waith am gyfnodau o 12 mis o leiaf, ac ymgynghori gyda phwyllgorau eraill a Chabinet y Cynulliad ar y rhaglen cyn hysbysu'r cyfarfod llawn.

4. Mae Panel y Cadeiryddion wedi cytuno y dylai rhaglenni gwaith pwyllgorau fod yn strategol ac ymdrin â chyfnod o 18 mis i 2 flynedd, gyda rhaglenni gwaith manylach am gyfnodau o dri mis.

### **Nodau ac Amcanion**

5. Gyda chylch gwaith mor eang, bydd y pwyllgor yn canolbwyntio ar y

meysydd hynny o ddatblygu polisi lle gallant gael y dylanwad mwyaf. Bydd y pwyllgor hefyd yn ceisio cyfrannu at gyflawni'r nodau ac amcanion a nodwyd yn *Gwell Cymru*, cynllun strategol y Cynulliad, ac yn arbennig: 'creu gwell economi ac economi gryfach' a 'gwell ansawdd bywyd' a'r tair prif thema: cynhwysiant, cydraddoldeb a datblygu cynaliadwy, sy'n rhan o bortffolio'r pwyllgor.

### **Blaenoriaethau**

6. Bydd y Pwyllgor yn ceisio mynd ati i wneud ei waith mewn ffordd strategol, gan ganolbwyntio yn y flwyddyn sydd i ddod ar ddwy brif flaenoriaeth:

- **Ymchwiliad annibynnol i safle claddu sbwriel Nantygwyddon** - ymchwiliad yn edrych tuag ymlaen, a cheisio dod o hyd i wersi ar gyfer y dyfodol, mewn perthynas â'r safle ac mewn perthynas â materion mwy cyffredinol yn ymwneud â rheoli gwastraff. Disgwylir i'r pwyllgor dderbyn adroddiad terfynol yr ymchwilydd annibynnol erbyn canol Mehefin 2001, a rhoi gwybod i'r cyfarfod llawn am ei argymhellion erbyn diwedd tymor yr haf;
- **Adolygiad o bolisi trafndiaeth gyhoeddus yng Nghymru** - ystyried dulliau o wella darpariaeth trafndiaeth gyhoeddus yng Nghymru. Bydd yr adolygiad yn nodi: newidiadau byr-dymor o fewn y fframwaith statudol, rheoleiddiol a threfniadol presennol a fyddai'n hwyluso cyflwyno a defnyddio gwasanaethau gwell ac integredig; newidiadau hir-dymor i'r fframwaith statudol, rheoleiddiol a threfniadol o ran trafndiaeth gyhoeddus a fyddai'n ei gwneud yn haws cyflwyno gwasanaethau gwell. Bwriada'r pwyllgor gyhoeddi adroddiad drafft ar gyfer ymgynghoriad cyhoeddus erbyn diwedd tymor yr haf 2001 a chyflwyno'r adroddiad terfynol i'r cyfarfod llawn

erbyn diwedd tymor yr hydref.

Caiff blaenoriaethau ar gyfer 2002, megis adolygiadau polisi posibl, eu hystyried a'u cytuno yn ystod tymor yr hydref.

7. Mae Pennod 4 "Gwell Cymru" yn nodi nifer o faterion y mae angen i'r Cynulliad weithredu'n fuan arnynt. Bydd y Pwyllgor yn chwarae rhan bwysig o ran bwrw ymlaen â'r rhain, yn arbennig:

- 'Symbylu datblygiad sy'n diogelu adnoddau naturiol ac yn parchu'r amgylchedd' – bydd y Pwyllgor yn cyfrannu at ddatblygu Cynllun Gweithredu Datblygu Cynaliadwy'r Cynulliad Cenedlaethol, ac yn monitro perfformiad yn erbyn targedau cynaliadwyedd;
- 'Cyflawni safonau uchel wrth reoli'r amgylchedd' – bydd y Pwyllgor yn monitro gwaith Asiantaeth yr Amgylchedd, Cyngor Cefn Gwlad Cymru ac Awdurdodau Parciau Cenedlaethol Cymru;
- 'Datblygu system drafnidiaeth gynaliadwy, wedi'i chydlynu'n well er mwyn cefnogi cymunedau lleol a helpu i greu economi lewyrchus' – bydd y Pwyllgor yn cwblhau ei adolygiad o bolisi trafndiaeth gyhoeddus yng Nghymru ac yn gwneud argymhellion i'r Gweinidog dros yr Amgylchedd;
- 
- 'Hybu ymwybyddiaeth o'r iaith Gymraeg, ein diwylliant a'n treftadaeth a chyfleoedd chwaraeon, a sicrhau eu bod ar gael yn rhwyddach' – bydd y Pwyllgor yn cadw'r ystyriaethau hyn mewn cof wrth wneud ei waith ei hun ac wrth lywio a monitro CADW: Henebion Cymru.

## **Materion eraill**

8. Bydd eitemau eraill o waith y pwyllgor yn cynnwys:

- adolygiadau perfformiad rheolaidd o Gyrrff Cyhoeddus a Noddir gan y Cynulliad (ASPB) sy'n rhan o'i gylch gwaith (RhS 9.7 (iii) – gweler uchod);
- ystyried deddfwriaeth arfaethedig a fydd yn effeithio ar Gymru, fel y bo'n briodol (RhS 9.8(i) a 22);
- ystyried cynigion ar gyfer cyllideb y Cynulliad (RhS 9.8(ii));
- gweithdrefnau cwyno (RhS 9.8(iii) a 21);
- penodiadau cyhoeddus (RhS 9.8(iv) a 20);
- materion eraill y bydd y Cynulliad yn eu cyfeirio ato (RhS 9.8(v));
- holi Ysgrifennydd y Cynulliad yn fanwl (RhS 9.11).

9. Amgaeir rhaglen waith fanwl ar gyfer cyfnod Mai-Gorffennaf 2001 yn Atodiad 2.

# Ysgrifenyddiaeth y Pwyllgorau

Ionawr 2001

ATODIAD 1

## CYFRIFOLDEBAU'R PWYLLGORAU PWNC

1. Mae rheolau sefydlog 9.7 a 9.8 yn nodi cyfrifoldebau'r pwyllgorau pwnc.

"9.7 Bydd pob pwyllgor pwnc

- i. yn cyfrannu at ddatblygu polisiau'r Cynulliad o fewn y meysydd y mae'r Ysgrifennydd Cynulliad perthnasol yn atebol i'r Cynulliad amdanynt;
- ii. yn cadw llygad ar y gwariant a'r Weinyddiaeth sy'n gysylltiedig â'u gweithredu; a
- iii. yn cadw llygad ar waith cyflawni'r swyddogaethau cyhoeddus yn y meysydd hynny gan gyrrff cyhoeddus, gwirfoddol a phreifat.

"9.8 O fewn y meysydd perthnasol, bydd pob pwyllgor pwnc hefyd:

- i. yn cynghori ar ddeddfwriaeth arfaethedig a fydd yn effeithio ar Gymru, gan gynnwys cyflawni ei swyddogaethau o dan reol sefydlog 22;
  - (ii) yn rhoi cyngor i Gabinet y Cynulliad ar faterion sy'n ymwneud â dyrannu cyllideb y Cynulliad yn unol â rheol sefydlog 19;
  - (iii) yn cyflawni ei swyddogaethau o dan reol sefydlog 21 (cwynion);
  - (iv) yn cyflawni unrhyw swyddogaethau a neilltuir iddo o dan y Cod Ymarfer ar Weithdrefn Penodiadau Cyhoeddus a wneir gan y Cynulliad o dan reol sefydlog 21; a
  - (v) yn ystyried materion y bydd y Cynulliad yn eu cyfeirio ato o fewn ei feysydd."

ATODIAD 2

# PWYLLGOR YR AMGYLCHEDD, CYNLLUNIO A THRAFNIDIAETH

## BLAENRAGLEN WAITH FANWL – TYMOR YR HAF 2001

Cyfarfod	Eitem rhif	Eitemau ar yr Agenda
Dydd Mercher 9 Mai 2.00 – 5.00 pm	1 2 3 4	Ymddiheuriadau a dirprwyon Adroddiad gan y Gweinidog dros yr Amgylchedd Adolygiad Polisi: trafodaeth a chytundeb ar benawdau'r adroddiad/braslun strwythur yr adroddiad Cofnodion y cyfarfod diwethaf
Dydd Mercher 23 Mai 2.00 – 5.00 pm	1 2 3 4 5 6 7	Ymddiheuriadau a dirprwyon Adroddiad gan y Gweinidog dros yr Amgylchedd Adolygiad Polisi: trafodaeth ar fraslun o'r argymhellion allweddol [Adolygiad Pum Mlynedd Cyngor Cefn Gwlad Cymru - adroddiad terfynol ddrafft] Cyngor Cefn Gwlad Cymru - cynnig/Cynllun Corfforaethol drafft Parciau Cenedlaethol - cynnig/Cynllun Corfforaethol drafft Cofnodion y cyfarfod diwethaf
<b>Toriad: 28 Mai – 2 Mehefin</b>		

<p>Dydd Mercher 13 Mehefin</p> <p>2.00 – 5.00 pm</p>	<p>1</p> <p>2</p> <p>3</p> <p>4</p> <p>5</p> <p>6</p> <p>7</p>	<p>Ymddiheuriadau a dirprwyon</p> <p>Adroddiad gan y Gweinidog dros yr Amgylchedd</p> <p>Nantygwyddon - adroddiad terfynol yr ymchwilydd</p> <p>Asiantaeth yr Amgylchedd - cynnig/Cynllun Corfforaethol drafft</p> <p>Trafod blaenoriaethau'r gyllideb</p> <p>Adolygiad Pum Mlynedd Cyd-bwyllgor Cadwraeth Natur - adroddiad drafft</p> <p>Cofnodion y cyfarfod diwethaf</p>
<p>Dydd Mercher 27 Mehefin</p> <p>2.00 – 5.00 pm</p>	<p>1</p> <p>2</p> <p>3</p> <p>4</p>	<p>Ymddiheuriadau a dirprwyon</p> <p>Adroddiad gan y Gweinidog dros yr Amgylchedd</p> <p>Nantygwyddon: Ystyried yr argymhellion i'r cyfarfod llawn</p> <p>Cofnodion y cyfarfod diwethaf</p>
<p>Dydd Mercher 11 Gorffennaf</p> <p>2.00 – 5.00 pm</p>	<p>1</p> <p>2</p> <p>3</p> <p>4</p> <p>5</p>	<p>Ymddiheuriadau a dirprwyon</p> <p>Adroddiad gan y Gweinidog dros yr Amgylchedd</p> <p>Adolygiad Polisi: Ystyried yr adroddiad drafft cyntaf a'r argymhellion</p> <p>Trafod blaenoriaethau'r gyllideb</p> <p>Cofnodion y cyfarfod diwethaf</p>
<p><b>Toriad yr Haf: 23 Gorffennaf – 12 Hydref</b></p>		